


Vischnaunca dad Obersaxen Mundaun



**Lescha davart l'indemnisaziun dallas
autoritads**

Cuntegn

Principi	Art. 1
Egualitad da schlatteinas	Art. 2
Indemnisaziun	Art. 3
Suma fixa	Art. 4
Indemnisaziun da sesida	Art. 5
Tariffa per ura	Art. 6
Indemnisaziun dil protocollist	Art. 7
Indemnisaziun da spesas	Art. 8
Incaricas specialas	Art. 9
Rendaquen	Art. 10
Clausula davart igl indexar	Art. 11
Abolir la lescha veglia	Art. 12
Entrada en vigur	Art. 13

Sebasond sin art. 34 cf. 4 dalla constituziun communal decretescha la vischnaunca dad Obersaxen Mundaun la suandonta lescha d'indemnisaziun:

Art. 1

Principi

Per lur lavur han ils commembers d'autoritads e da cumissiuns sco era ils ulteriurs funcziunaris il dretg ad in'indemnisaziun commensurada per lur engaschi ed il temps impundiu. Els ein obligai da tener il temps impundiu e las spesas en in rom ch'ei conforms all'impurtonza dallas funcziuns officialas.

Art. 2

Egualitad dallas schlatteinas

Aschinavon ch'ei sedat nuot auter ord il senn dalla lescha serefereschon indicaziuns da personas, funcziuns e professiuns en quei reglament da principi ad omisduas schlatteinas.

Art. 3

Indemnisaziun

La bunificaziun secumpona dall'indemnisaziun da sesida sco era d'indemnisaziuns per uras prestadas e spesas. Ultra da quei vegn pagada ina summa fixa per incumbensas tenor art. 4.

Incaricas specialas sco lavurs da project, consultaziuns e survetschs che pretendan enconuschientschas professiunalas specialas vegnan indemnisadas tenor uras prestadas ni cun ina pauschala.

Art. 4

Summa fixa

Cun pagar la summa fixa vegnan indemnisadas tut las uras per las sesidas da suprastonza, per ademplir l'obligaziun da preschientscha, per menar ed administrar il ressort attribuiu cun preparar sesidas e studegiar las actas. La summa fixa per las funcziuns sutvart vegn definida suandontamein:

president communal	CHF	42'000
vicepresident	CHF	8'000
commembers dalla suprastonza communal	CHF	7'000
president dil cussegl da scola	CHF	1'000
president dalla cumissiun da baghegiar	CHF	1'000

En cass d'ina midada d'uffeci ni en cass d'ina assenza en uffeci che cuoza pli ditg che treis meins ei la summa fixa da pagar proporziunalmein als titulars d'in uffeci respectivamein a lur substituts.

	Art. 5						
Indemnisaziun da sesida	<p>Commembers d'autoritads, da cumissiuns e delegai retscheivan per mintga sesida tochen treis uras, las qualas ein buca indemnisadas cun in fixum, in daner da sesida da CHF 80.00.</p> <p>Ils presidents dallas cumissiuns che retrain buc ina summa fixa survegnan in supplement da 25% per mintga sesida.</p>						
	Art. 6						
Tariffa per ura	<p>Per lavurs ch'ei buca inclusas ella summa fixa (art. 4) ni che vegnan buca bunificadas cun in'indemnisaziun da sesida (art. 5) retscheivan commembers d'autoritads e da cumissiuns in'indemnisaziun da CHF 30.00 per ura.</p>						
	Art. 7						
Indemnisaziun dil protocollist	<p>Per la lavur da protocollar vegnan actuars en uffeci accessori indemnisai cun CHF 80.00 per mintga protocol.</p>						
	Art. 8						
Indemnisaziun dallas spesas	<p>Per spesas enteifer la Regiun Surselva vegn la suprastanza communal indemnisada cun las suandontas pauschalas fixas:</p> <table><tr><td>president communal</td><td>CHF</td><td>2'000.00</td></tr><tr><td>suprastanza communal</td><td>CHF</td><td>1'500.00</td></tr></table> <p>L'indemnisaziun dallas spesas dalla suprastanza communal ordeifer la Regiun Surselva e dallas ulteriuras autoritads communalas, sedrezza tenor las disposiziuns vertentas dalla legislaziun cantunala davart il persunal.</p>	president communal	CHF	2'000.00	suprastanza communal	CHF	1'500.00
president communal	CHF	2'000.00					
suprastanza communal	CHF	1'500.00					
	Art. 9						
Incaricas specialas	<p>Commembers d'autoritads e da cumissiuns sco era ulteriurs funcziunaris han da presentar ordavon alla suprastanza communal e schar approbar quella – dano en cass urgents – ils cuosts approximativs per incumbensas sco lavurs da project, consultaziuns e survetschs che pretendan enconuschientschas professionalas specialas.</p>						
	Art. 10						
Rendaquen	<p>Commembers d'autoritads e da cumissiuns sco era ulteriurs funcziunaris meinan sezs ed independentamein cudisch davart lur lavurs che vegnan buc indemnisadas cun ina summa fixa (indicaziun exacta dalla lavur, temps impundiu, spesas). Il rendaquen ei da dar giu all'administraziun communal per regla mintga quartal, silmeins ina ga ad onn e sin il pli tard il december.</p>						

Art. 11

Clausula
davart igl indexar

Las indemnisaziuns tenor art. 4 tochen art. 7 indexescha la suprastonza communal mintgamai, sch'igl index naziunal dils prezis da consum semida per 10 puncts. Di da tagl ei mintgamai igl 1. da schaner (stan digl avrel 2016 = 100,4 puncts, basa december 2015 = 100 puncts). Las tariffas vegnan arrundadas sin francs entirs.

Art. 12

Abolir la lescha
veglia

Cun l'entrada en vigur da questa lescha vegnan abolidas tut las disposiziuns che stattan en cuntradicziun cun el.

Art. 13

Entrada en vigur

La lescha presenta entra en vigur retrospectivamein per igl 1. da schaner 2016 cun sia approvaziun tras la radunonza communal.

Approbau dalla radunonza communal dils 24 da zercladur 2016.

Il president communal
Ernst Sax

Il scarvon communal
Hiazint Brunold